



Peter Olsen

Inatsisartunut ilaasortaq, Inuit Ataqatigiit

§ 37 naapertorlugu apeqqummut nr. 17-imut akissut, Naalakkersuisut qanoq ittunik pilersaaruteqarnerusut timersuutini assigiinngitsuni timersornerup siuarsarnissaanut.

23-01-2017
Sagsnr. 2017 - 1233
Dok. nr. 4353641

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

Asasara Peter Olsen,

Naalakkersuisut qujassutigaa apeqquteqaatit, Naalakkersuisut pilersaaruteqarnerusut nunatta timersuutini assigiinngitsuni unammisartuisa piginnaasaat pitsanngorsarniarlugit.

1. Timersuutini assigiinngitsuni nunatta unammisartoqarnerup tunngaatigut Naalakkersuisut pitsaanngorsaaniarlutik - qaffassaaniarlutik qanoq pilersaaruteqarpat?

Kultureqarnermut Naalakkersuisoq Kalaallit Nunaanni Timersoqatigiit Kattuffiannut (GIF) aamma Elite Sport Greenland-imut (ESG) naammassisassanut isumaqatigiissusiortarput, tassanilu illuatungeriit ingerlatsinerup qanoq ituunissaanut ilimagisat aalajangersartarlugit. Kattuffiit siuliani pineqartut timersornermi aamma timersortartut pikkorinnerpaat pillugit suliassanik isumaginnittuupput, pisusaatinneqarlutillu sulisuminnik, pisortaasunik aamma ilitersuisartuminnik ilinniartitsisarnissamut. Naalakkersuisut isumaqarput timersornermi kattuffiit namminneq pikkoriffiginerugaat suliniuteqartarneq angusassanik siuarsaaviusartoq. Naalakkersuisullu inatsisitigut killiliussatigut tapiissuteqartarniarput timersornermut, -timersornerullu naalakkersuinermik suliaqartunit akuleruffigineqannginnissaanik ileqqoqarneq qimanniarnagu.

2. Nunatta unammisartui nunanut allanut unammiartornissamut qaaqqussaagaluarlutik akissaqannginneq piffissaqannginnerluunniit pissutigalugit pisinnaajunnaartarneq Naalakkersuit qanoq isumaqarfigaat? Iliuseqarfigineqassamaarpa?

Soorunami ajuusaarnarpoq nunatta unammisartui ilaannikkut peqataasinnaanatik nalunaartariaqartarneri. Naalakkersuisut ilisimavaat nunatta unammisartui tulleriiaarisariaqartarmata, unamminerit suut peqataaffigisinaanerlugit, aningaasaqarnermik allanilluunniit pissuteqartunik. Kisianni aningaasanut inatsit aqqutigalugu timersornermut aningaasaliissuteqartarpugut, timersoqatigiiffiit namminneq atorsinnaasaannik. Naalakkersuisullu pilersaaruteqanngillat aqqiussuussineq taanna allanngortissallugu.

3. Nunanut allanut unammisartoqarnerup tungaatigut (landshold) pitsanngorsaaniarlutik Naalackersuisut amerlanerusunik aningaasaliinissaminut pilersaaruteqarpat?

Naalackersuisut pilersaaruteqanngillat aningaasaliissutit qaffannissaannut. Aningaasanut inatsimmi aningaasaliissutaasartut tamarmiusut ukiut tallimat kingullit iluanni 33 %-it missaannik annertuseriarsimapput, aammaarlunilu 2017-imi 2012-imiit 46 %-ip missaannik annertuseriaqqissimallutik. Danske Spil-imiit aningaasanoorutinit Kalaallit Nunaata pissarsiarisartagaani 60 %-ingajaat GIF-imut aamma ESG-mut (Aningaasaliissutit A) tunniunneqartarput. Aningaasaliissutit sinneri aningaasaliissutit B aamma aningaasaliissutit C-mut agguanneqartarput, meeqqanut inuusuttunullu suliaasaqarfimmi aammalu tamat iluaqutissaannut siunertanut tapiissutit agguanneqartarlutik.

Timersornermut kattuffiit namminneq piginnaanilinnik ineriartortitsinerminnut pilersaarutitik suliarisarpaat, namminnerlu sungiusartarnernut pilersaarutitik aaqqissuuttarlugit. GIF aamma ESG iliuusissaminut pilersaarutitik piffissamut qaninnerusumut ungasinnerusumullu suliaqartarput, Naalackersuisunut ilisimatitsissutigineqartartunik.

4. Nunanut allanut unammisartuutitta nunanut allanut unammiartornerminni aningaasatigut annaasaqartannginnissaat anguniarlugu qanoq pilersaaruteqarpat?

Aningaasanut Inatsimmi aningaasaliissuteqarpoq 250.000 kr.-inik Kalaallit Nunaat sinnerlugu Olympiade-mi, nunarsuarmit pissartanngorniunnerini, Europami pissartanngorniunnerini, Panamarikkarmiut pissartanngorniunnerini imaluunniit nunarsuarmit unammersuaarnerini World Cup-imi peqataanerini aningaasarsianut annaasanut taartisiassanut atugassatut. GIF-ip aningaasaliissutit taakkua allaffissornikkut isumagisarai.

5. Nunanut allanut unammisartuuneq soqutinarnerulersinniarlugu Naalackersuisut qanoq pilersaaruteqarpat

Naalackersuisut pilersaaruteqanngillat timersuutitik ingerlatsisut landshold-ini peqataasarnerannut soqutiginninneq annertusarniassallugu. Nunatsinni timersorneq nammeneq piumassutsimik tunngavilimmik ingerlanneqartarpoq, Naalackersuisullu taamatut immikkuullarissumik aaqqissuussineq illersorniarpaat. ESG nammeneq pilersaarusiortarpoq piginnaanillit ineriartortinnissaannut, taamalu sulissutigalugu piginnaanillit suli piginnaaneqarnerulernissaannut soqutiginninnerup annertusarneqarnissaa.

6. Nunanut allanut unammisartuutitta angusarissaarluarnerulernissaat anguniarlugu Naalackersuisut qanoq pilersaaruteqarpat? 7

Naalackersuisut GIF-ip aammalu ESG-ip suliniutaat tapersorsarpaat, soqutiginnilersitsiniarnermik, ineriartortitsinermik aamma namminneq piumassutsiminnik sungiusaasartut ikiortaasullu aalajaatsutut ingerlatsisuunissaannut, timersorneq nunatsinni suli aamma ineriartorsinnaaqullugu nunatta unammisartut ilanngullugit.

7. Nunanut allanut unammisartut assersuutigalugu; isikkamik arsaattartut, assammik arsaattartut, ujakkaartartullu periarfissaat qaffassarneqassappata; ulluinnarni sungiusarnissamut, nunanullu allanut unammiaartortarsinnaanermut tunngatillug, taava aningaasat qanoq amerlatigisut pisariaqartinneqarsinnaanera pillugu Naalackersuisut qanoq takorluugaqarsinnaappat?

Naalackersuisut naatsorsuinernik peqanngillat imaluunniit paasissutissaateqaratik paasiniagaasunut akissutaasussanik. Kisianni Aningaasanut Inatsimmi 27,3 mio. kr.-inik timersornermut immikkoortitsisoqartarpoq, timersoqatigiiffiit namminneq tullerriaartagaannik, timersuutit assigiinngitsut siuarsarneqarnissaannut. Tamatumalu saniatigut aamma kommunit nukinnik aningaasanillu atuisarput timersornermut tunngasuni.

Inussiarnersumik inuulluaqqusilluta


Doris Jakobsen